

(XII = XII)

ששם רחמ

כתאבי אליך יאכי ואלעזיז עלי ענדי אללה פי אלכיר בקאך
ואדאם עזך ונעמאך וגעלני כל סן פדאל וכאן לך וליא ונאצחא
ותאפשא פי גמיע אלמור אנה ולי אלאגאבה ברחמתה אן שא אללה
אלדי תריד עלמה אן וצלני כתאבך אלכרים וקראתה ופהמתה
מצמונה וסררת בעלם סלאמתך ועאפיתך אדאמהא אללה
תע לך ודכרת איצא מן גהה אלגזל אלדי נאצר פכלפתה
מן גהת פמא צדק אנה יממי אלי אלגזל ואלחריר ואצבת
אלגזל מכבל נאצליתה וכיצתה ודפעתה למן יחלה פמא
קדם אחד עלי חלה אלי אן ארגבת אנסאן. דטאלתה אלי אן חלה
(וס) אלת נאצר ען אלנמודג פאוראני עלי אנסאן נמודג פקאל
מתל הדא הו ועלי אני ארסל אליך תערפני אלנמודג פקלתו
ימור אלזמאן ומא כאן אכר מן דלך לאן וצל צדקה וקאל הו
ירידה בסכאכין פאמסכת ענה ומן אלחזם אלוקוף ענד
אלשבהה ווון אלגזל תלתה תסעין דרהם אסוד כל..ביאץ
וגאמליה ועשרין לעלאעת חריר אכצר אאכין ו... (ק) לת
ענדהם פי אלדאר גזל רפיע עלי אני אעמלה.....
אללחמה סשתקרא פי אלביאץ וקלת להם ישרעו..
לך פיגזלו גירה לאן מא יוגד ענדכם מתלה לאן אלגזל
אלדי ארסלתה מא יסוא חמלאנה ואגרה אלסבאעי אד..
תקום עליך מתל חמנה גמיעה אדא פרג פתערפני
אדא נקע גאל נעמלך לק או גיר דלך פתעלמני
גרצך בכל וגה מן אלוגוה פמא אעאקני ען עמלה
אלא משאורתך פי הדה אלפנון גמיעהא ותשרפני
בגמיע חאגאתך ומהמאתך מנעמא

Handwritten notes in the right margin, including the number 13.

Handwritten text at the bottom of the page.